

Greetings from General Secretary

Khuazing Pathian le Kan Bawipa Jesuh Khrih nan hngalhnak thawngin vel le daihnak cu nan dihlahk cungah tlamtling tein nan ta si ko seh!!!



CBCUSA puitling chin lengmang asi nak cu thla fatin CBCUSA Newsletter chuahmi hi asi. Carel tu cu hruaitu asi (*Reader is leader*) an ti bantu in carel cu hruaitu sinak asi' ti khawh asi.

Hngalhnak cu theihnak le relnak in aa thawh. Carel deuh poah nih thil sining hngalh deuh asi zungzal. Cubantuk in CBCUSA chungtel hna nih CBCUSA Newsletter in CBCUSA a riantuannak, a hlawh tlinnak, a chambaunak le ruahnak peknak hngalh khawh asi ve. September thla Newsletter ah theih aherhmi cu atanglei bantu asi.

September 4-5, 2019 Executive Officers meeting, September 5-7, 2019 tiang CBCUSA BD meeting an ngei. BD meeting tuahnak caah inntek a kan tuan piaktu Emmanuel Chin Baptist Church, Lewisville, cungah lawmhnak kan ngei. Tutan BD meeting ah CBCUSA nih ngeihmi Bible Hrilhfiah Committee a thar chuah than. New York State ah a ummi Chin Khrifabu; 1) Albany Chin Christian Church, 2) Lai Baptist Church, 3) Rochester Chin Christian Church, 4) Syracuse Chin Christian Church cu Office ah an hal bantu in 2020 BT tiang Local Church dirhmun in CBCUSA he pehtlah dingah CBCUSA BD nih biakhiah asi.

Area Secretary dihlahk, Fellowship President dihlahk le EO hna zong tonnak an ngei. Area le Fellowship sining, CBCUSA caah chunmang le duhmi chim ti nak an ngei. CBCUSA caah hlawknak tampi a um lai" ti kan zumh.

A thlengmi: June Newsletter ah thanhmi Australia, CACC, Norway, Bangladesh, India, New Zealand, CBCUSA komh in tuah ding International Chin Christian Youth Conference (ICCYC) cu Lawngtlai khua ah tuah than loin, Thantlang khua, Chinram ah April 15-19, 2020 ah tuah asi lai.

CACC Music Festival he komh in tuah asi lai caah conference a ra dingmi tam ngai dawh asi. Mizoram in Thantlang tiang motor tampi a luh khawhnak hnga CACC nih tawlrelnak an ngei cang" tiah thawngtheih asi. Youth Department, CBCUSA zong choir in kal kho dingin timhtuahnak an ngei lio asi.

Ramthar rian tuannak, United Chin Mission Network (UCMN) Conference cu September 26-29, 2019, Carson Baptist Church, Satawam ah tuah asi lai. Australia, Norway, New Zealand, CACC, Chin Baptist Union (CBU- Falam kan unau), CBA/NA, CBCUSA le Chin miphun asimi, denomination kip, mission field a ngeimi Khrifabu poah sawm an si.

General Secretary le Mission Director cu UCMN Conference, CBCUSA missionaries renewal le training, Rakhine Baptist Convention (RBC) he MOU kong, RBC pastors, missionaries le Khrifabu hruaitu hna he renewal program, Paletwa le Sami khua ah vawlei ngeihmi 105/106 kong, Chin Convention Center Corner stone le herh dangdang caah October cu Chinram ah kal ding an si.

Chin miphun, miphun dang he kan i lawh lonak pakhat cu thluachuah vanni ruat in nun hi asi. Pipu chan in midang zawn a ruattu kan sinak tutiang a langhnak cu kan unau Paletwa caah \$26,605. 35, Kuki Chin Baptist Association \$22,300. 00, All Chin Society (Rgn) \$ 10,000. 00 bawmhnak nan pekmi hna cungah Bawipa nih sunparnak co ko seh. Thlacamnak, pekchanhnak, mission rian, le miphun himnak caah chungtel vialte nih CBCUSA hi zohkhenh hna usih.

Khuazing Pathian nih CBCUSA le Chin miphun thluachuah pe chin ko seh!!

Bawi Khrih ah nan tuan hawi,

T. Bawihrin
Thlaawr Bawihrin
General Secretary
CBCUSA

EASTERN AREA THAWNGPANG – by Rev. Van Duh Ceu (Eastern Area Secretary)

Pathian thatnak le thluachuahnak Eastern Area ah tampi kan tingco. A min kan thangthat. Kan khuakhannak tete zong pakhat hnu pakhat in tlamtling tein a kan hmanter. Bawipa kan i lawm tuk tiah sunparnak kan pek.

Tukum 2019 Area cawlcanghnak ah a biapi bik mi “A voi 2-nak Eastern Area Civui” zong tlamtling te in **Georgia Chin Baptist Church** ah kan tuah kho. Inntek sinak tuanvo a kan lakpiaktu **GCBC** khrihfabu an cung ah lunglawmhnak chim cawklo kan ngei. Pathian thluachuahnak an cung ah hmun camcin ko seh tiin thlaza kan campiak hna. Anmah local khrihfabu chungtel pawl telh loin khual a phan kho mi kan dihlak minung **223** kan si. Ni hnih le zan hnih lunglawm tein Pathian thangthatnak le i hawikomhnak kan ngei kho hna. Civui a ra kho mi tamdeuh hi mino deuh an si caah Zarhte Ni chun hlan ah Volleyball benghnak in i hawikomhnak kan ngei hna i kan i nuam taktak



Kan lawmhpi hna

Lai Baptist Church, Maryland an Pastor **Rev. Rollin Van Bik** nih **American Baptist Seminary of the West** sianginn in **May 18, 2019** ah Doctor of Ministry a kan dihpiaq khawh i Eastern Area nih kan lawmhpi taktak. Dissertation a tialmi cu “Prophetic Leadership in Community Ministry” a si i, hi a tialmi dissertation zong ahnin, “**The Keith A. Russel Award**” a hmuh fawn. Kan lawmhpi taktak. Bawipa nih thluachuah pe chinchin ko seh tiah thlaza kan campiak.



Maryland Chin Baptist Church an Senior Pastor **Thomas Bawi Kil Lian** cu CBCUSA Ministers Council nih **June 02, 2019** ah Ordination an pek cang. A rianquannak khrihfabu zong an i lawm i, Eastern Area rianquantu zong nih kan lawmhpi taktak. Bawipa nih lamhruai chinchin sehlaw, amah sunparnak caah hmang chin ko seh tiah thlaza kan campiak.



MINISTERS COUNCIL RIANṬUANNAK

- ❖ MC hruainak in April 26 - May 5 tiang Israel ram kan tlawng. Pastor 48 he kan dihlak minung 64 kan kal kho.
- ❖ Khrihfabu nih Ordination an halpiakmi Pastor hna cu April 10 ah Interview kan tuah hna i a tanglei Pastor pa 8 hi Pastor tling sinak (Ordination) kan pek hna.
 - 1) Rev. Aung Cung Mang, Springfield Chin Emmanuel Church, MO
 - 2) Rev. Chan Maung, Salk Lake Chin Baptist Church, UT
 - 3) Rev. Hrang Cung Hnin, Indiana Chin Baptist Church, IN
 - 4) Rev. John Za Bawi Lian, Colorado Chin Baptist Church, CO
 - 5) Rev. Phun Tling, Milwaukee Chin Baptist Church, WI
 - 6) Rev. Thomas Bawi Kil Lian, Maryland Chin Baptist Church, MD
 - 7) Rev. Van Thuam Cin, Zion Chin Baptist Church, KY
 - 8) Rev. Zathawngcin Siakhel, Bethel Baptist Church, TX

- ❖ A voi 1-nak CBCUSA MC le Chin Baptist Association of North America (CBANA) MC Officers hna cu July 30 ah United Chin Christian Church (UCCC), Wheaton, IL ah i hawikomhnak le biaruaṭinak kan ngei kho.



↑
Ordination Committee members, along with the interviewees

←
Ordination Committee nih interview an tuah mi hna 3



- ❖ Pastor te kan i hawikomhnak le kan i theihhngalh khawh deuh nak hnga MC Directory cauk chuah ding in kan timhtuah lio a si.
- ❖ 2020 CBCUSA MC Retreat cu CACC ram chung um Pastor te dihlak he Hakha ah tuaṭi ding in timhtuahnak ngeih a si. Vawleicung ram kip um Laimi Pastor vialte zong sawm chih ding in timh a si. 2020 Cu “Khualipi Tlun Kum” ti a si.

Tial Lian (Rev.)
President
Ministers Council

- ❖ September 18 ah a tanglei Pastor 3 hi Ordination Interview kan tuah hna.
 - 1) Pastor Lianṭhuam Fanchun, Chin Evangelical Baptist Church, FL
 - 2) Pastor Nawl Bik, St. Joseph Chin Baptist Church, MO
 - 3) Pastor Edna Sung Hnem, Grayson Chin Baptist Church, TX